

Shërbesa e Adhurimit

DITA E ZOTIT – 6 Qershor, 2021

MBLEDHJA E POPULLIT TË PERËNDISË

*‘Më mblidh popullin dhe unë do ta bëj të dëgjojë fjalët e mia...’
L. Ripërtërirë 4:10*

VOTUM

Psalmi 124:8

Ndihma jonë është te emri i Zotit, që ka krijuar qiejt dhe tokën.

PËRSHËNDETJA E SHENJTË

Galatasve 1:3

Hir mbi ju dhe paqe nga Perëndia Ati dhe nga Zoti ynë Jezu Krisht.

§ THIRRJA PËR ADHURIM

Psalmi 111

Aleluja. Unë do të kremtoj Zotin me gjithë zemër në këshillin e të drejtëve dhe në kuvend. Të mëdha janë veprat e Zotit, të kërkuara nga të gjithë ata që kënaqen me to.

Veprat e tij janë madhështore dhe drejtësia e tij vazhdon përjetë. Ai bën që mrekullitë e tij të kujtohen; Zoti është i dhembshur dhe plot mëshirë. Ai u jep ushqime atyre që kanë frikë prej tij dhe do ta mbajë mend gjithnjë besëlidhjen e tij.

Ai i tregoi popullit të tij fuqinë e veprave të tij, duke i dhënë trashëgiminë e kombeve. Veprat e duarve të tij janë e vërteta dhe drejtësia; tërë urdhërimet e tij janë të qëndrueshme, të patundura përjetë, përgjithnjë, të kryera me vërtetësi dhe drejtësi.

Ai i dërgoi popullit të tij shpengimin, ka vendosur besëlidhjen e tij përjetë; i shenjtë dhe i tmerrshëm është Emri i tij.

Frika e Zotit është fillimi i urtësisë; fitojnë gjykim të mirë ata që zbatojnë urdhërimet e tij; lëvdimi i tij vazhdon në përjetësi.

ADHURIMI I LAVDISË SË PERËNDISË

‘Ejani, t’i këndojmë me gëzim Zotit; t’i dërgojmë britma gëzimi kalasë së shpëtimit tonë.’ Psalmi 95:1

LUTJA E INVOKIMIT & ADHURIMIT TË PERËNDISË

§ HIMN ADHURIMI

PSALMI 8

Sa i mrekullu'shëm është Emri Yt mbi gjithësin'
O Zot, Zoti yn' shtrive mbi qiejt' tër' madhështin'
Nga goja e foshnjave thur fuqin' e lëvdimit,
Për ti mbyllur gojën krejt, armikut, hakërrimit.

Kur mendoj qiejt e tu, që dora jote krijoi,
hënë, yjet e gjith'çka që në kozmos modeloi
e çfar' është njeriu që në gjith' dobësin' e tij
ta kujtosh e vizitosh me bekime e me hir.

Pak më t'ulët se vetja e krijove njeriun
e kurorëzove me nder, lavdi e birësim,

gjithçka që krijuat ju ia dhatë për mbret'rim
sa i mrekullu'shëm është emri Yt mbi tër' dheun.

§ RRËFIMI I BESIMIT

Efesianëve 1:3-14

Ne besojmë, se i bekuari Perëndi, Ati i Zotit tonë Jezu Krisht, na bekoji me çdo bekim frymëror në vendet qiellore në Krishtin, sikurse na zgjodhi në të përpara se të themelohej bota, që të jemi të shenjtë dhe të papërlyer përpara tij në dashuri, duke na paracaktuar që të birësohemi në veten e tij me anë të Jezu Krishtit, sipas pëlqimit të vullnetit të vet...na bëri të pëlqyer në të dashurin Birin e tij, në të cilin kemi shpengimin me anë të gjakut të tij, faljen e mëkateve sipas pasurive së hirit të tij, se na ka zgjedhur në Krishtin për një trashëgimi...se u vulosëm me Frymën e Shenjtë të premtimit...kapari i trashëgimisë tonë, për lëvdim të lavdisë së tij, sot edhe përjetë. Amen.

§ HIMNI TRINITERIAN

Gloria Patri

Lavdia qoft' për Atin, dhe për të Bir', dhe për Frymën e Shenjt',
siç ka qen' dhe prej fillimit është tash, e gjithmon' mbetet, bot' e pafund, Amen, Amen.

PASTRIMI I POPULLIT TË PERËNDISË

“Po t’i rrëfejme mëkatet tona, ai është besnik dhe i drejtë që të na falë mëkatet dhe të na pastrojë nga çdo paudhësi.” (1 Gjonit 1:9)

LEXIMI I LIGJIT

Urdhëresat 5-10 nga Letrat e Apostujve

5. Do të nderosh atin tënd dhe nënën tënde.

“Ju bij, binduni prindërve në çdo gjë, sepse kjo është e pranueshme për Zotin.” (Kol. 3:20)

6. Nuk do të vrasësh.

“Por jini të mirë dhe të mëshirshëm njeri me tjetrin, duke e falur njëri-tjetrin, sikurse edhe Perëndia ju ka falur në Krishtin.” (Efe. 4:32)

7. Nuk do të shkelësh besnikërinë bashkëshortore.

“Sepse u bletë me një çmim! Përlëvdoni Perëndinë, pra, në trupin tuaj dhe në frymën tuaj, që i përkasin Perëndisë.” (1 Kor. 6:20)

8. Nuk do të vjedhësh.

“Ai që vidhte, le të mos vjedhë më, por më tepër të mundohet duke bërë ndonjë punë të mirë me duart e veta, që të ketë t'i japë diçka atij që ka nevojë.” (Efe. 4:28)

9. Nuk do të bësh dëshmi të rreme kundër të afërmit tënd.

“por, duke thënë të vërtetën me dashuri, të rritemi në çdo gjë drejt atij që është kreu, Krishti.” (Efe. 4:15)

10. Mos lakmo.

“Unë jam mësuar të kënaqem në gjendjen që jam.” (Fil. 4:11)

RRËFIMI I MËKATEVE

Sepse ju o Zot, Perëndia jonë, jeni i mëshirshëm dhe zemërmadh, dhe nuk do ta ktheni fytyrën prej nesh, në rast se ktheheni tek ju (2. Kro. 30:9), na fal për mëkatet tona, për hir të Krishtit Zotit tonë. Amen.

SIGURIA E FALJES

Rom. 5:1, 8-9

Të drejtësuar, pra, prej besimit, kemi paqe me Perëndinë, nëpërmjet Jezu Krishtit, Zotit tonë...Por Perëndia e tregon dashurinë e tij ndaj

nesh në atë që, kur ende ishim mëkatarë, Krishti vdiq për ne. 9 Shumë më tepër, pra, duke qenë tani të drejtësuar nëpërmjet gjakut të tij, do të shpëtohemi nga zemërimi me anë të tij.

§ HIMNI FALËNDERIMI

Doksologjia

Lavd' Zotit, me bekime plot, gjith' ju krijesa këtu posht'
gjith' ju turma në qiell lart, Lavd' Atit, Bir't dhe Frymës Shenjt.

RIPËRTËRITJA PËRMES MJETEVE TË HIRIT

Jezusi i tha: Kulloti delet e mia. Gjoni 21:17

LUTJA PASTORALE

§ HIMNI I PËRGATITOR

PSALMI 72:17-19

Emri i Tij qëndron përjetë, përhapet sa't ketë diell
Tër' kombet bekohen në të, e shpallin të lumtur.
I bekuar qoft' Perëndia i Izraelit,
Vetëm Ai bën mrekulli në mes t'popullit Tij.
Bekuar qoftë emri i Tij, i lavdishëm përjetë
Dhe tërë toka qoftë e mbushur me lavdinë e Tij.

SHËRBESA E FJALËS

ZANAFILLA 2:18-25, EFESIANËVE 5:22

“..Bari thahet dhe lulja bie,
por fjala e Zotit mbetet përjetë,
dhe kjo është fjala që ju është shpallur.”~
(1 Pjet.1:24-25)

VEÇIMI & DËRGIMI I POPULLIT TË PERËNDISË

‘Kështu do ta vënë emrin tim mbi bijtë e Izraelit dhe unë do t'i bekoj.’ Num. 6:27

§ HIMNI I PËRGJIGJES

Zotin ta fal'nderojm' me gjithçka që ne kemi,
Mbar bota gëzohet me çudit që ka bërë.
Na ka bekuar që nga gjiri i nënës
Me dhuratat e hir't që na i jep çdo dit'.

Ky Perëndi plot hir qoft' afër nesh gjithmonë
Zemrat t'gufojn me g'zim e paqe të bekuar
Në hirn e Tij t'na mbaj' dhe kur lëkundemi
nga e keqja t'na çlirojë tani edhe përjet'

Lavde, falend'rime Atit ton' t'ia japim
dhe Birit që mbrettron në qiejt më të lartë
Zotit të përjetshëm që toka e qielli
e adhuron tani e do t'jet përgjithmon'.

§ BEKIMI

Psalmi 90:17

“Hiri i Zotit, Perëndisë tonë, qoftë mbi ne dhe e bëftë të qëndrueshme veprën e duarve tona”

SHËNIMET E PREDIKIMIT

Lutjuni Zotit të të Korrave, të Dërgojë Punëtorë!

Mateu 9:38 dhe 28:18-20

«E korra është me të vërtetë e madhe, por punëtorët janë pak. Lutjuni, pra, Zotit të të korrave, që të dërgojë punëtorë në të korrat e tij».

I. Dërgesa e Madhe – Mateu 28:18-20

II. Nevoja e Madhe - Mateu 9:38

A. Besimi i fortë në Krishtin ndonjëherë gjendet atje ku nuk pritet

B. Shqetësimi i Zotit tonë për shpirtrat e lënë pas dore

C. Detyra solemne e çdo të Krishterit për shpirtrat e pashpëtuar

ADHURIMI NË KISHËN E REFORMUAR DURRES

Adhurimi i Perëndisë Triunë është detyra më e rëndësishme e besimtarit. Gjoni 4:23-24 thotë se Perëndia At kërkon adhurues që ta adhurojnë në Frymë e në të vërtetë. Teksa përgatiteni për këtë shërbesë adhurimi, kini si qëllim të jini një pjesëmarrës e jo një spektator. Njësohuni me këngët e adhurimit të bashkësisë (edhe nëse kënga është e panjohur); bashkohuni në dhënien e së dhjetës a ofertës me gëzim; lutuni përgjatë lutjes së Pastorit duke shtuar “Amen-in” tuaj (që nënkupton rënien dakord me kërkesat, rrëfimin e mëkatit, e adhurimin e lutjes); si dhe dëgjoni me kujdes Perëndinë tek flet përmes predikimit të Fjalës së Tij. Zoti ynë Sovran marrtë të gjithë lavdinë teksa ju e adhuroni atë sot në mënyrë aktive.

LUTJA NË PËRGATITJE PËR ADHURIM

O Perëndi, ju që deri tani na i keni mësuar zemrat e popullit tuaj besnik duke dërguar dritën e Frymës tuaj të Shenjtë; bëj që përmes të njëjtës Frymë të kemi një gjykim të shëndoshë në çdo gjë dhe për gjithmonë të gëzohemi në ngushëllimin tuaj të shenjtë; përmes meritave të Krishtit Jezus, Shpëtimtarit tonë, i cili jeton dhe mbretëron me ju, në unitetin e të njëjtit Frymë, një Perëndi mbi një botë pa fund. AMEN.

KATEKIZMI PËR MEMORIZIM

Pyetja 47: Çfarë ndalohet në urdhërimin e parë?

Përgjigja: Urdhërimi i parë ndalon mohimin ose mosadhurimin dhe moslëvdimin e Perëndisë së vërtetë si perëndi, dhe si Perëndia ynë, dhe dhënien e atij adhurimi e lëvdimi që i takon vetëm Atij, dikujt tjetër.

Pyetja 48: Çfarë na mësojnë veçanërisht fjalët “para meje”, në urdhërimin e parë?

Përgjigja: Fjalët “para meje”, në urdhërimin e parë, na mësojnë se Perëndia, i Cili shikon gjithçka, vëren dhe është shumë i indinjuar me mëkatën e të pasurit të ndonjë perëndie tjetër.

PROGRAMI 5 DITOR I LEXIMIT TË BIBLËS

- Fjalët e Urta 29-31; 1 Thesalonikasve 4
- Kantiku 1-3; Ps 72; 1 Thesalonikasve 5
- Kantiku 4-6; 2 Thesalonikasve 1
- Kantiku 7-8; Psalmi 127; 2 Thesalonikasve 2
- 1 Mbretërve 5; 2 Kronikasve 2; 2 Thesalonikasve 3

KALENDARI JAVOR

- ❖ Shërbesa e Lutjes dhe Studimit të Mërkurën ora 17.00 PM.
- ❖ Shërbesa e Fëmijëve të Mërkurën ora 17.00 PM.
- ❖ Shërbesa publike e adhurimit hyjnor të Perëndisë, çdo të diele ora 10.
- ❖ Lutu për një anëtar gjatë kësaj jave. Takohu me të për ta inkurajuar atë.
- ❖ Lutu për, dhe ungjillëzo një person kësaj jave që vjen, ftoje në shërbesë.
- ❖ Agjëro një vakt apo ditë këtë javë për të fituar mbi një mëkat personal.
- ❖ Lexo Biblën çdo ditë dhe memorizo pyetjet e Katekizmit.



KISHA REFORMUAR DURRES

*“Të Njohim Krishtin &
Ta Bëjmë Atë të Njohur”*